



Selasa, 04 April 2024

Ogen: Miha 7:8



Sempat Jongkang tapi Keke



Anak umur sada tahun mulai erlajar tedis ras njing kangken nahe guna erdalan. Ibenakenna me tedis, aminna pe mugur-ugur. La sekali ngenca ia jongkang, tapi kenca itatapna orangtuana cirem dengen mereken kata-kata si erbahanca ia megegeh, e maka ipetatapna ukurna guna tedis mulihi. Kejadin e terus erulang-ulang jadi man bana. Aminna usur pe ia jongkang tapi sada si tetap kal ilakokenna keke i bas jongkang e nari janah rusaha guna njing kangken nahe, seh maka tuhu-tuhu ia paguh tedis dengen ngasup erdalan alu mehuli. La terjeng erdalan tapi ngasup pe kiam.

Pengalaman si lit i bas anak e mereken pengajaren si meherga man banta. Bali ras pengalaman Miha i bas ngadep-ngadep bangsa Israel si mekatep kal ndabuh ku bas dosa. Ngelakoken perbahanen si macik, la tutus nembah man Dibata seh maka si e erbahanca talu ia ibahan musuh-musuhna. Kinitalunna e me igambarkan penggejapen bagi kalak jongkang ras kerina musuh-musuhna ermeriah ukur dengen megombang natap kinitalunna e. Amin bage gia Miha ngataken maka keke me ia mulihken. La ipergogoina kai si jadi e, tapi erjuang ia guna banci kiniulin e mulihken jadi i bas geluh. Lit pengarapen maka i bas paksana kari Dibata mereken terang man bana. Tek ia maka Dibata pasti nampati dengen mereken simehulina.

Bage me pe kita ijemba guna tetap semangat i bas kegeluhen enda. Situhuna mekatep nge kita ndabuh, kote dengen lanai ergegeh ban buena perbeben si nderpa kegeluhenta. Apai ka selaku ndehara ras nande man anak-anak, la sitik iluh mambur erkiteken beratna perbeben geluh si man baban. Si perlu erdalan terus ula ngadi, tatap ku lebe, gedang denga dalam si man bentasen. Lit si mehuli i bas wari si reh. **Terelie** ngatakenca *"wanita yang kuat adalah ketika 7 miliar orang di dunia tidak pernah tahu kalau ia menangis. Terus berusaha, tidak menyerah, terus berdiri setiap kali jatuh terduduk."*

 "Terus keke kune ndabuh"

